



Eligius Tambornino ei cuort avon la qualificaziun pils campiunadis mundials dils juniors en Finlanda. El ei in dils meglers curridders svizzers ella disciplina sprint.

FOTO G. VENZIN

Als campiunadis mundials?

Eligius Tambornino ei candidat pils campiunadis mundials dils juniors en Finlanda

■ (gv) Eligius Tambornino da Trun ha gudignau ella sesion actuala pirlas cuorsas da sprint ed ei sin buna via da sequalificar pils campiunadis mundials dils juniors che han liug il mars en Finlanda. El füss il secund currider dil Club da skis Trun che separticipass a campiunadis mundials. Toni Livers ei separticipaus ils onns 2002 e 2003 als campiunadis mundials dils juniors, igl onn 2003 eis el daventaus quart ella cuorsa da 30 kilometers e dumengia emprova el ella cuorsa dil cup mundial a Reit im Winkel da sequalificar per l'emprema gada pils campiunadis mundials dils gronds.

Buca muncau bugen a Sedrun

La fin schaner ha Eligius Tambornino muncau el sprint atras il vitg da Sedrun. Bugen füss el separticipaus avon publicum indigen ad in sprint, mo el ei vegnius delegaus a Feutersoey ella Part sura dil cantun Berna allas cuorsas dil cup svizzer. Il viadi liung ha el denton buca fatg per nuot, en ina cuorsa da sprint ed en ina cuorsa da 10 kilometers eis el

mintgamai staus tierz, el sprint igl emprem dils juniors. En quei sprint ha Tambornino dumignau curridders da reputaziun sco *Curdin Perl*, *David Romer* e *Thomas Diezig*. Era ina jamna avon haveva il currider da Trun mussau a Puntraschigna sias habilitads e dumignau ella categoria dils juniors. Ella rangaziun dil cup svizzer ei Tambornino cun 95 puncts secund. Il meglie sprinter svizzer ella categoria U20, *Jöri Kinderschi* da Tavau, ha siat puncts avantatg. Tambornino ei actualmeins da medema posa sco il currider da Tavau. All'entschatta dalla sesion ha il gimnasiast giu breigias da vegnir sin turas. Il trenament d'atun era staus empau dil bia e tochen ch'il tgerp dil Sursilvan ei serevegnius ein las empremas cuorsas stadas vargadas.

«En cuorsas dil Cup dallas Alps ell'Austria saiel jeu sequalificar pils campiunadis mundials.» En quell'as cuorsas sto il sportist da 18 onns contonscher il final ed el giavischa la fuorma sco a Puntraschigna: «Jeu sundel bunamein sgulau dalla pista siadora», ha el manegiau.

Tambornino cuora pli bugen ils sprints el stil liber e ha era contonschiu en quella disciplina ils success. Als campiunadis mundials vegn il sprint currius in stil liber, mo tonaton vul Tambornino buca schar mitschar la caschun: «Ina jamna en Finlanda, quei füss in siemi.» Il siemi savess tuttavia daventar realitad, pertgei la fuorma dil currider da Trun ei carschida il davos meins cuntinudamein.

Empau ella umbriva dils dus curridders Toni Livers ed Eligius Tambornino da Trun, s'avischina *Katja Stoffel* da Val alla elita naziunala. Ella categoria dallas giuvnas U18 ei la scolara dil gimnasi da sport a Tavau actualmeins tiarza. Ella cuorsa dalla dumengia vargada a Gibswil el cantun Turitg eis ella daventada secunda. Katja Stoffel ei per la secunda curridra sursilvana che contonscha arbagias sin camp naziunal. L'emprema ei *Catrina Maissen* da Trun stada avon varga 20 onns. Maissen haveva contonschiu il cader naziunal.

El classament dil cup svizzer dalla categoria elita ei Toni Livers secund e *Thomas Frei* da Flem siatavel.

Quater giugs avon la fin gia victur dalla gruppa

■ (gv) Ella runda dalla davosa fin d'jamna han las damas dils Desertina Bulls gudignau encunter Toggenburg-Bazenheid ed encunter Flying Dutch Frauenfeld. Omisduis giugs ein i alla fin cuagl avantatg d'in gol per las giuvnas da Mustér. Quater giugs avon la fin dil campiunadi han ils Desertina Bulls endisch puncts avantatg ed ein gia victurs en gruppa 4 d'emprema ligia.

Buca tuttas eran fit

Ils giugs dalla dumengia vargada han ils Desertina Bulls stuiu giugar cun pliras giugaduras malsanetschas. La tema da spiarder per l'emprema gada ei stada gronda. Igl emprem adversari ei l'equipa da Toggenburg-Bazenheid stada. Igl atun vargau haveva Mustér gudignau suenter in giug uliv 2:0. Era il giug dalla dumengia vargada ei staus in giug denter duas equipas tuttina fermas. Omisduis equipas ein vegnidadas tier paucas schanzas, las attaccas ein vegnidadas retenidas gia avon la zona da prighel. Ina dallas paucas malconcentraziuns dalla defensiu da Toggenburg nezegia *Eveline Giossi* e setta ella 12avla minuta il sulet gol dil giug.

Suenter pausa aulza Toggenburg il tempo e vegn era tier entginas schanzas. Las damas dils Bulls san buca far pressiuin sco il trenader giavischa. Ellas vegnan denton da tener il resultat e gudognan dus ulteriurs puncts.

Il secund giug vulan las Sursilvanas dar meglie. Frauenfeld entscheiva – encunter quei ch'ills Bulls havevan spitzgau – cun in giug fetg passiv. Quei vegn encunter allas damas dils Bulls. Ellas mettan sut pressiuin igl adversari e sforzan quel anavos. Aschia vegnan ils

Bulls tier entginas bunas attaccas ed ina da quell'as nezegia *Eveline Giossi* sin pass da *Sonja Schmed* pigl 1:0. Aunc avon pausa setta *Sonja Schmed* il 2:0. Suenter pausa emprovan las Sursilvanas da schar cuorer spert la balla ed aschia evitar cumbats. Quei gartegia buca mal e las damas settan ellas empremas 10 minutas aunc dus gols. Ils Bulls han il giug sut controlla, la concentraziun ha denton schau suenter malamein e Frauenfeld setta igl emprem gol. Quei gol motivescha aunc inagada las giugaduras dil Turgovia e diesch secundas avon la fin settan ellas il 3:4. Per las davosas secundas rempazzan ellas aunc il goli cun ina attacadra, ils Bulls gudognan tuttina ils dus puncts.

Resultats

Damas 1. ligia, gruppa 1
Desertina Bulls – Toggenburg 1:0 (1:0/0:0)
Desertina Bulls – Frauenfeld 4:3 (2:0/2:3)

1. Desertina Bulls	14	14	0	0	49:16	28
2. Russikon	14	8	1	5	46:31	17
3. Waldkirch	14	7	2	5	36:25	16
4. Frauenfeld	14	7	1	5	29:27	15
5. Toggenburg	14	4	6	4	22:17	14
6. Bronschhofen	14	4	5	5	28:44	13
7. Sarganserland	14	4	4	6	34:38	12
8. Turgovia	14	2	5	7	19:26	9
9. Pfäffikon	14	3	3	8	18:32	9
10. Pfannenstiel	14	2	3	9	12:37	7

Umens 2. ligia gruppa 9
Schiers – Desertina Bulls 4:3

1. Trimmis	10	8	1	1	40:19	17
2. Malans II	10	8	0	2	41:27	16
3. Schiers	10	7	1	2	31:17	15
4. Grabs-Werdenb.	10	6	0	4	39:29	12
5. Schaan	10	4	3	3	32:27	11
6. Lai/Valbella	10	4	0	6	37:30	8
7. Lugano II	10	3	1	6	28:43	7
8. Desertina Bulls	10	2	0	8	24:31	4



Quater giugs avon la fin dil campiunadi ein las damas dils Desertina Bulls cun endisch puncts avantatg empremas en gruppa 4 d'emprema ligia. Las giuvnas, trenadas da Aldo Casanova, han gudignau tut ils giugs da campiunadi.

FOTO G. VENZIN

Sustegn el dretg temps



■ (gv) Fertion che *Carmen Casanova* da Vignogn ha aunc ina enzenna da damonda silla capellina, va *Christian Spescha* da Sursaisa allas cuorsas cun ina capellina blava cul logo da «ICSurselva». L'interpresa d'informatica da Glion ha fatg cul skiunz che ha dominau igl onn vargau ella categoria OG in contract da sponsoring che cuoza diesch onns. «Nus lein sustener il sportist il temps ch'el drova ils daners», ha *Marc Cathomen* da ICSurselva detg. Il contract ei vegnius elavuraus da *Gabriel Casutt*, dil menader dalla Banca Raiffeisen a Glion. Il skiunz vegn honorus tenor prestaziun. Contonscha el inagada in cader svizzer, ha ICSurselva la pusseivladad da far vinavon reclama silla capellina, quei per prezi pli favoreivel. «Omisduis, il skiunz e nossa interpresa, portan ina resca», ha *Marc Cathomen* manegiau. L'adressa dalla pagina d'internet dil giuven skiunz ei: www.christian-spescha.ch

FOTO G. VENZIN

BIATLON

Trin seposiziunescha sco center da biatlon

(gv) Damaun ha liug a Trin ina cuorsa da biatlon el rom dil cup svizzer. La concorrenza cun partenza ed arrivada a Punt Suraua vegn organisada dil Club da skis Trin. La cuorsa dils carschi entscheiva allas 10 e meina sur diesch kilometers, las damas e junioras cuoran 7,5 kilometers. Tuttas categorias settan duas gadas, ina gada en venter e l'autra gada sin peis. Suentermiezdi cuoran ils giuvenils la distanza da 1,5 tochen 4,5 kilometers. Alla partenza dalla concorrenza a Trin ei denter auter l'indigena *Sandra Schäli*. La giuvna da Trin ei actualmeins alla testa dil classament dil cup svizzer ella categoria U16. Damaun cuora la giuvna ch'ei commembra dalla gruppa da promoziun ella categoria dallas junioras.

BALLAREIT

Turnier en favur da Pro Sasolas

(gv) Damaun ha liug a Sasolas sur Luven el territori da skis dil Péz Mundaun in Turnier da ballareit sin neiv. Diesch equipas ein s'annunziadas pil Turnier ch'entscheiva allas 10.00 e cuoza tochen viaden el suentermiezdi tard. Il Turnier vegn organisau dil Club d'unihoc «Red Tschichis» da Luven en favur dall'organisasiun Pro Sasolas. Ils commembers dil club «Red Tschichis» ein talmeins fascinai dil dar unihoc ch'els consumechan il sport sco ina droga, scrivon els ella pagina d'internet. Tuttina organischan els per l'emprema gada in Turnier da ballareit, mo il commember *Sacha Cavagn* sa s'imaginar ch'in Turnier da unihoc sin neiv füssi era enzatgei spectacular: «Quei füss diraglia», ha el manegiau.